

Ūi Phah lâⁿ Isulael ê Tùitèk Kító

(Asah ê sikoa.)

- 1 SiōngChú ah, kiú Lí m̄ thang tiāmtiām;
SiōngChú ah, kiú Lí m̄ thang bô khuichhùi, mā m̄ thang bô chhut siaⁿ!
- 2 Inūi Lí ê tùitèk tng teh soanjióng,
oànhūn Lí ê lāng íkeng kā in ê thâu giáh koânkoân.
- 3 In ēng kanchà ê kèbô beh hāi Lí ê chūbîn;
in chòhóe chhamsiōng beh hāi Lí số pòhō ê lāng.
- 4 In kóng: Lâi, lán lâi kā in biátchoát, hō in bōngkok!
Hō Isulael ê miâ bô koh hō lāng ē kítit!
- 5 In tângsim kiōngbô,
píchhú kiatbêng, beh títèk Lí.
- 6 In tòh sī tóa pòpêⁿ ê Etóm lāng kah Isimael lāng,
Môap lāng kah Hagal lāng,
- 7 íkip tī Gebal, Ammóng, Amalék, Huilísū,
kah Tulô ê chūbîn.
- 8 Asiul mā kajip, kah in liânhap;
chiâⁿchò Lótoh kiáⁿsun ê pangchhiú. [Sèláh]
- 9 Kiú Lí tùithāi in, chhinchhiūⁿ cháchêng teh tùithāi Mítian lāng;
mā chhinchhiūⁿ tī Kisióng hô teh tùithāi Siseláh kah labín kángkhoán.
- 10 In tī Ún·Tol biátbông,

為 Phah 贏以色列 ê 對敵祈禱

(亞撒 ê 詩歌。)

- 1 上主 ah，求祢 m̄ thang 恬恬；
上主 ah，求祢 m̄ thang 無開嘴，mā m̄ thang 無出聲！
- 2 因為祢 ê 對敵 tng teh 喧嚷，
怨恨祢 ê 人已經 kā in ê 頭 giáh koânkoân。
- 3 In 用奸詐 ê 計謀 beh 害祢 ê 子民；
in 做伙參詳 beh 害祢所保護 ê 人。
- 4 In 講：來，咱來 kā in 滅絕，hō in 亡國！
Hō 以色列 ê 名無 koh hō 人 ē 記得！
- 5 In 同心共謀，
彼此結盟，beh 抵敵祢。
- 6 In tòh 是 tóa 布棚 ê 以東人 kah 以實瑪利人，
摩押人 kah 夏甲人，
- 7 以及 tī 迦巴勒、亞捫、亞瑪力、腓利士，
kah 推羅 ê 住民。
- 8 亞述 mā 加入，kah in 聯合；
成做羅得 kiáⁿ 孫 ê 幫手。[Sèláh]
- 9 求祢對待 in，親像早前 teh 對待米甸人；
mā 親像 tī 基順河 teh 對待西西拉 kah 耶賓全款。
- 10 In tī 隱·多珥滅亡，

chiâⁿchò tēchiūⁿ ê pùnsò.

11 Kiû Lí hō in ê léngsiù chhinchhiūⁿ Òlep kah Che'ep,

hō in ê kunông lóng chhinchhiūⁿ Sebah kah Chalmúnah.

12 In kóng: Lán tiòh lâi chiàm SiōngChú ê chháutiūⁿ,

thang chiâⁿchò lán kakī ê sángiáp.

13 Góa ê SiōngChú ah, kiû Lí hō in chhinchhiūⁿ kúglé'á hong kúg khí lâi ê tīnai,

koh chhinchhiūⁿ tī hong chêng ê chhōkhng.

14 Tú chhinchhiūⁿ hóc thunbiát chhiūⁿâ,

koh chhinchhiūⁿ hóeiām tiámtòh cheng soaⁿ,

15 kiû Lí mā chhinchhiūⁿ áne ēng Lí ê kōnghong tuijiok in,

koh ēng Lí ê pōkhong ú hō in kiaⁿhiáⁿ.

16 SiōngChú ah, kiû Lí hō in móabīn kiànsiàu,

thang hō in chhōekiū Lí ê miá!

17 Goān in éngoán kiànsiàu, kiaⁿhiáⁿ!

Goān in tī kiànsiàu tiong biátbông!

18 Thang hō in chai tòktòk Lí, miá kiò léhóbah ê,

sī choán tē ê Chìkôan chiá!

成做地上 ê 糞埽。

11 求祢 hō in ê 領袖親像俄立 kah 西伊伯，

hō in ê 君王 lóng 親像西巴 kah 撒慕拿。

12 In 講：咱 tiòh 來佔上主 ê 草場，

thang 成做咱 kakī ê 產業。

13 我 ê 上主 ah，求祢 hō in 親像捲螺 á 風捲起來 ê 塵埃，

koh 親像 tī 風前 ê 粗糠。

14 Tú 親像火吞滅樹林，

koh 親像火焰點 tòh 眾山，

15 求祢 mā 親像 áne 用祢 ê 狂風追 jiook in，

koh 用祢 ê 暴風雨 hō in 驚惶。

16 上主 ah，求祢 hō in 滿面見笑，

thang hō in chhōe 求祢 ê 名！

17 願 in 永遠見笑、驚惶！

願 in tī 見笑中滅亡！

18 Thang hō in 知獨獨祢，名叫耶和華 ê，

是全地 ê 至 koán 者！